



REPUBLIKA E SHQIPËRISË

Faqe | 1

AUTORITETI I MEDIAVE AUDIOVIZIVE

Nr. 2168/13 prot.,

Tiranë, më 22. 08.2025

VENDIM

NR. 73, DATË 22.08.2025

PËR MIRATIMIN E DISA SHITESAVE NË RREGULLOREN "PËR PROCEDURAT DHE KRITERET E DHËNIES SË AUTORIZIMEVE", MIRATUAR ME VENDIMIN NR. 99, DATË 07.06.2017 TË AMA-S, TË NDRYSHUAR.

Në mbështetje të nenit 19, pikat 1/ë dhe 16 të ligjit nr. 97/2013 "Për mediat audiovizive në Republikën e Shqipërisë", i ndryshuar, Autoriteti i Mediave Audiovizive,

VENDOSI:

1. Miratimin e disa shtesave në rregulloren "Për procedurat dhe kriteret e dhënies së autorizimeve", miratuar me Vendimin nr. 99/2017 të AMA-së, të ndryshuar si më poshtë:

1.1 Në nenin 4 të rregullores shtohet pika 7 dhe pika 9 me nënpikat a), b) dhe c) si më poshtë:

Pika 7,

Rinovimi i autorizimit për ofrimin e shërbimit të programit audio dhe/ose audioviziv të të tretëve do të miratohet vetëm për transmetime të teknologjisë digjitale.

Pika 9,

Aplikuesi për marrjen e autorizimit, rinovimit ose zgjerimit të zonës së ofrimit të shërbimit të përcaktuara në këtë rregullore, mbështetur në rrjet kabllor, satelitor, shërbime online, Internet TV, IPTV, dhe OTT duhet të deklarojë dhe të respektojë kushtet e mëposhtme:

- a. të pajiset me dekodera apo (pajisje të ngjashme) të cilët funksionojnë vetëm në modulimin e transmetimit për të cilën ka marrë autorizim nga Autoriteti i Mediave Audiovizive (AMA).*
- b. Dekoderat nuk duhet të jenë të konfigurueshëm apo të përdoren për transmetim në module të tjera përveç asaj të autorizuar nga Autoriteti i Mediave Audiovizive (AMA)*
- c. Është përgjegjës dhe mbart detyrimin për të siguruar që dekoderat/pajisjet teknike të ofruara për tu përdorur gjatë gjithë periudhës së vlefshmërisë së autorizimit të jenë në përputhje të plotë me autorizimin e dhënë nga AMA. Çdo përdorim i dekoderave në kundërshtim me autorizimin përbën shkelje të kushteve të autorizimit dhe do të ndiqet sipas legjisclacionit në fuqi.*



AUTORITETI I
MEDIAVE
AUDIOVIZIVE

Rr. "Papa Gjon Pali II", Nr. 15, 1010, Tiranë | eee.ama.gov.al
Tel. +355 4 2233006 | Email. info@ama.gov.al

1.2 Në nenin 10, pika 3, nënpika 3.2 shtohet gërma e) me përmbajtje si vijon:

e) Deklaratë e aplikuesit për rinovim autorizimi, se kërkesat teknike janë në përputhje me kushtet e miratuara në autorizimin në fuqi dhe nuk ka ndryshim të këtyre të fundit. Kërkesat e përcaktuara në pikën 3.2 (a-d) plotësohen vetëm kur parashikohen ndryshime të kushteve teknike në aplikimin për rinovimin e autorizimit.

1.3 Në nenin 21, Dispozita Kalimtare shtohen pikat 1.1 dhe 1.2 sipas përmbajtjeve sa më poshtë:

1.1 Ofruesit e shërbimeve të pajisur me autorizim, rinovim ose zgjerim të zonës së ofrimit të shërbimit mbështetur në rrjet kabllor, satelitor, shërbime online, Internet TV, IPTV, dhe OTT kanë afat 3- muaj kohë nga hyrja në fuqi e kësaj rregulloreje për rregullim të situatës sipas pikës 9 të nenit 4 të kësaj rregullore,

1.2 Aplikimet për marrje autorizimi, rinovim autorizimi apo zgjerim të zonës së ofrimit të shërbimit, mbështetur në rrjet kabllor, satelitor, shërbime online, Internet TV, IPTV, dhe OTT, të depozituara para hyrjes në fuqi të kësaj rregulloreje do të kenë afat 1- muaj për depozitimin e akteve në përputhje me këtë rregullore.

2. Ngarkohet administrata e AMA-s, për zbatimin e këtij vendimi.

Ky vendim hyn në fuqi menjëherë.

Kryetar:
Zëvendëskryetar:
Anëtarë:

Armela
Desada
Aurela
Besian
Gjergji
Jetmir
Joana

KRASNIQI
METAJ
BICJA
ZOGAJ
HAMITI
HALILAJ
ALLUSHI